



Broj: 07-11-104/23
Vogošća, 24.02.2023. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14 i 59/22), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), Općinski načelnik dana 24.02.2023. godine donio je

**ODLUKU
O PONIŠTENJU OTVORENOG POSTUPKA NABAVKE RADOVA NA SANACIJI PLATO
KOD BR. 26 I PJEŠAČKE STAZE KOD BR. 41-49 U ULICI BRAĆE KRŠO, NA PODRUČJU
OPĆINE VOGOŠĆA**

Član 1.

Poništava se Otvoreni postupak nabavke radova na sanaciji platoa kod br. 26 i pješačke staze kod br. 41-49 u Ulici Braće Kršo, na području općine Vogošća broj: 07-11-104/23, jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14 i 59/22).

Član 2.

Odluka o poništenju postupka nabavke će biti objavljena na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 30.01.2023. godine donio Odluku o pokretanju Otvorenog postupka nabavke radova na sanaciji platoa kod br. 26 i pješačke staze kod br. 41-49 u Ulici Braće Kršo, na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 31.01.2023. godine pod brojem: 1353-1-3-6-3-43/23.

Sažetak Obavještenja o nabavci objavljen je u "Službenom glasniku BiH" broj: 7/23 od 03.02.2023. godine.

Tendersku dokumentaciju sa Portala javnih nabavki BiH je preuzelo 20 (dvadeset) ponuđača. Krajnji rok za dostavu ponuda bio je 20.02.2023. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 20.02.2023. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena jedna ponuda i to ponuđača "Ame" d.o.o. Breza, broj int. knjige 67/23, sa ponuđenom ukupnom cijenom nabavke u iznosu od 176.999,87 KM bez uračunatog PDV-a.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njene validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-104/23 iz januara 2023. godine, odnosno pregledu ponude u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Ame" d.o.o. Breza ne ispunjava formalno-pravne uslove tražene Tenderskom dokumentacijom i to:

U Obrascu za cijenu ponude-Aneks 2 TD-kroz Napomenu I je propisano da cijene moraju biti izražene u KM. Za svaku stavku u ponudi mora se navesti cijena (nijedno polje u tabeli ne smije ostati nepopunjeno, čak iako se radi o iznosu 0,00 KM).

Ponuđač "Ame" d.o.o. Breza je u svojoj Ponudi (strana 8. Ponude) propustio da popuni zbir u rubrici Sveukupno kolovozna konstrukcija, te je na taj način odstupio od jasno postavljenog zahtjeva ugovornog organa iz TD da nijedno polje u tabeli ne smije ostati nepopunjeno, čak iako se radi o iznosu 0,00 KM.

Zbog prethodno navedenog, a u skladu sa odredbom člana 68. stav 4. tačka i) Zakona o javnim nabavkama BiH ("Službeni glasnik BiH", broj 39/14 i 59/22) Komisija za javne nabavke ocijenila je ponudu ponuđača "Ame" d.o.o. Breza kao nepravilnu, jer ista nije potpuna i ne ispunjava zahtjeve iz Tenderske dokumentacije, te kao takva nije prihvatljiva za ugovorni organ.

Iz navedenih razloga, Komisija za javne nabavke je jednoglasno dala preporuku VD Općinskog načelnika da donese Odluku o poništenju Otvorenog postupka nabavke radova na sanaciji platoa kod br. 26 i pješačke staze kod br. 41-49 u Ulici Braće Kršo, na području općine Vogošća, iz razloga jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14 i 59/22).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Melisa Kršo



Dostavljeno:

1. "Ame" d.o.o. Breza
2. Nadležnoj Službi
3. U dosije
4. a/a

ame@bih.net.ba